



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 49. Nationum Congregatio ad audiendos Bohemiæ Deputatos.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

jurando firmarunt, & Cardinalis ab Ur-Sæcul. XV.
finis, qui & ipse testis erat, a ceteris jura-
mentum excepit; nomina horum sunt:
Cardinales, Vivariensis, Venetus, Pisa-
nus, Placentinus, S. Nicolai, de Salutiis,
S. Adriani, Florentinus, S. Susannæ, Ca-
meracensis, & Laudensis, omisso Cardi-
nale S. Marci, qui ob adversam valetudi-
nem audiri haud poterat.

A.C.1415.

§. XLIX.

*Nationum Congregatio ad audiendos
Bohemicæ Deputatos.*

Altera die ad Bohemorum caussam re-*Vander*
diere Patres. Bohemiæ Nobiles, ut *Hardt* to. 4.
responso nomine Concilii sibi dato satis-*p. 211.*
facerent, Nationum Deputatis in unum
congregatis libellum porrigunt, in quo as-
serunt, Joannem Husum Cæsareis se-
curitatis literis jam a decima quinta Ju-
lli prioris anni munitum fuisse, eundem-
que non nisi ob prævisa vitæ suæ discri-
mina Romæ non comparuisse, proin o-
mni culpa vacare, falsoque narrari, eum
Constantiæ ad populum e suggestu dixi-
se, cum nec ad momentum hospitio suo,
in quo moratus fuisset, excesserit. Po-
stea schedam a Joanne Husso prima die
Septembris anno Domini millesimo qua-
dringentesimo undecimo scriptam produ-
cunt, in qua Hussus omnibus viribus

con-

Sæcul. XV.
A.C. 1415.

contestatur, injuste se accusari, ac si docuisset, substantiam panis remanere in Eucharistia; Corpus Christi, dum elevatur, in hostia adesse, abesse autem post elevationem; Sacerdotem in peccato mortali constitutum non consecrare; posse Dominos bona temporalia Ecclesiis diripere, illisque decimas abnegare, indulgentias inanes esse; Clericos libere occidi posse, aliosque nonnullos errores. Cum vero Synodus ad libellum non respondisset, Bohemi ultima die Maji interatas offerebant literas, quibus Hussum pluries declarasse affirmabant, semper a mente sua longe absuisse, vel ullum errorem docere, aut quovis pacto a veritatis semita aberrare; afferebant pariter, propositiones ex Hussi operibus decerptas ab ejusdem adversariis perpetram truncatas, soloque Virum opprimendi studio adulteratas fuisse; denique rogabant, ut Synodus Hussum ad sui defensionem e carcere liberum dimitteret, sui loco cautionem offerentes. Adjectum quoque erat supplici huic libello Episcopi Nazareni testimonium; Nihilominus hi incassum laborabant.

§. L.

*Suspensionis sententia Joanni Papæ per
Synodi Deputatos denunciata.*

Niem. apud
Vander
Hard tom. 2.
pag. 406.

Misit Concilium ad Cellam quosdam
Depu-